



Senin, 18 Desember 2023

Ogen: Miha 5:6-11



Dosa-dosa si mabah Cilaka



Labo kepe ngena ate Dibata adi lit bangsa si megegeh nindes bangsa Israel. Amin gia bangsa Israel e ngelawan Dibata, cukup akapNa IA saja si ngukumsa. Bangsa si megegeh e njadikan bangsa Israel selaku musuhna, itindesna ras iradaskenna atena. Bangsa Israel si mulih i bas perang nari akapna sikap i kutana kepeken nenganami kiniseran, itangkoi kalak jubahna i bas gurungna nari. Diberu-diberu bangsa Israel ipelawes i bas rumahna nari. I bas anak-anak banga Israek irampas kemulian Dibata. Ibabai anak-anak e lanai nandai Dibata. Enggo meriah akapna ngikutken pengajaren guru perguak.

Petembil kal si isuraken Dibata nandangi Israel ras kinata si inanamina. Sura-sura Tuhan maba bangsana mulihken ku Jerusalem gelah banci ia nenganami kebebasan, kesenangan, kemalemen ate. Tapi kalak si megegeh akapna bana ngelakoken si jahat ras mabai Israel e pe papak nadingken Dibata. Ngidah perbahahenna e merawa Dibata e maka ipesehna rawaNa arah nabi Miha nina, "kekeken, je nari laweslah! Lanai lit ketenengen i jenda. Dosa-dosandu enggo maba cilaka man ingan enda gelah ikerneppen." Bali ras kalak Israel, kita pe anak-anak Tuhan kap. La kal ate Tuhan ngena adi lit perukuren ras perbahanennta si la mehuli. Iukumna nge kita i bas perbahanenta si jahat e nari. Tapi di lit kalak si njadikan kita musuhna ras ipesega-segana kita, Tuhan e ikut si nampati kita. Tuhan e ngukum bangsa-bangsa si nggagasi kita. Keleng kal ate Tuhan e kita, igetukna pe sekali ban ateNa keleng. Iukumna pe labo seh kerp. Ukumen e desken persinget ngenca gelah kita mulihken man bana, e maka bekas getukNa ndube, iminakiNa ka, itambariNa ka, dungna itami-tamiNa gelah mulihken ngikutken IA. Adi lit kalak si ngagasi kita, IA jine si ngukumsa. La ipediatNa kita igagasi kalak sideban. Malemlah ateta Tuhan e jadi Bapanta. Si ipindoNa bas kita nari tetap erdalan ras IA.